

मत्ती 1



एलीसिबा छ मैना ओतावत परमेस्वरए फरी ओचाकन्या
गब्रिएललाई ज़ गालील खन्दलाव नासरत सहरल
तोबो कन्या लुज़ाए ल्योक परीक्यो। नो लुज़ालाई भर्जा दाऊदए
ओथोलाव योसेफ यादोज़्यावत निद यानैज़्याव। नोए उमिन
मरियम ओल्यो।



नो चाकन्याए फरी, “ताछेनी मरियम,
परमेस्वरए उयुँ नल्योदा गराँद ले। नँ
गर्भवती ताद खेपा ज़ा तोबो नदैरिज़्या।
नोए उमिन येसु नैदियो। नो बनै घ्योःव
मिँ ताद माहान परमेस्वरए ओज़ा
ज़ लिद थरैरिज़्यार। नोलाई
परमेस्वरए, ओल उपूर्खा दाऊदए
ओराज्या चलैन्त्या जैरिज़्याव।
है जैद याकुबए ओथोलावराए याइँताव ज़
ताद नोए ओराज्या खर्क ज़ खेम्न्या
माले,” है दोक्यो।



हात ज मरियमए, “आव भरी कै जैद तान्या? डा आःपै कन्या ज डालिज्या,” है ओदोक ते, नो चाकन्याए, “नँ नक्याँत परमेस्वरए छँव उपरुस हुद माहान परमेस्वरए ओसक्तीनी ज़ा नदैरिज्या। है जैद नो छँव पुरुसनिकाव भाउज़ालाई परमेस्वरए ओज़ा ज़ है दान्या लेर।”




3

तछा छीनी मरियम झाःसिद लाला लुलु यहूदियालाव गौल जकरियाए ओनाखारल बाके। जकरियाए उझिमल पसिद मरियमए एलीसिबालाई जेरो है ओदोज्याव ओथैव पाइँना एलीसिबाए उफूलाव ओज़ा जोके। हात ज़ एलीसिबा छँव पुरुसए ब्याल्द, बनै रँद, “मँमा भरिरानी नँ असिक दैव ज़ नलिज्या। नफूलाव नज़ा ब असिक दैव ज़ तारिज्या।”



4

येसु खीस उजर्मिउ इतावनी ज़ — येसुए ओआमा मरियमलाई भर्जा योसेफत निद यानैज्याव। नोनी बिहया निमादोद ज़ मरियम परमेस्वरए छँव उपरुसनी ज़ा दैन्या ताद उलिज्याव। नो मरियमलाई निज्याव योसेफ धर्मी मिँ ओतावए मरियम ज़ा दैन्या ताद उलिज्याव सँद ओपाहा झाःद मायाद अलगज़ा रासो ओपैँज्याव।



5

निताव जैव ओपैँज्याक ज़ तछा उमँल परमेस्वरए ओचाकन्या हुद, “नँ दाऊदए ओथोलाव योसेफ, मरियमलाई रैन्या ताछेनी। नो उफूलाव ज़ा ते परमेस्वरए छँव उपरुसनिकाव ची। नो ओज़ा खेपा तारिज्या। नोए उमिन ‘येसु’ नैदियो, काराव ल्यो ताकिन नोए उमीरालाई यादोव पापनी यारास्त्रिज्याव।”




6

है जैद योसेफ सँसिद परमेस्वरए ओचाकन्याए है ओदोव मिताव ओज्या मरियमलाई रैक्यो। खाली मरियमए ज़ा ओमादैवा पै निक्याँ मासदैकिनी। ओदैवत फरी नो भाउज़ाए उमिन येसु नैदिक्यो।



7

हो बेलाक तछा रोमी माहाराजा अगस्तसए रोमी राज्या भरिलाव जनसंख्या सन्न्या हुकुम याएक्यो। यामिन सर्सिना पाइँ ज़ सु सु यासाखा पुखार याजर्मिउ सहर सहरदा ज़ बाकेर।



8

है जैद योसेफ पाला उलिज्याव गालील खन्दलाव नासरतनी
यहूदिया खन्दलाव बेथलेहेम यादोज्याव दाऊद राजाए
ओनाखारल उमिन सर्सिना
बाके, काराव ल्यो ताकिन
योसेफ दाऊदए
ओथोलाव



ज ओल्यो।

9

निद यानैज्याव ओज्या मरियमलाई ब ओलस ज लाँक्यो। नो
बेलाक मरियम गिसो क्याँस उलिज्याव।



10

बेथलेहेमल निलिज्याक ज
सुत्क्यालनी तान्या बेला
ताद, . . .



11

. . . जेथा ज़ा दैक्यो। नो उजर्मिउ पाइँना ज दालए दाल्द
बाछाराए छी ज़्यान्या पोल नैक्यो। भतील लिन्या पो
निमादैवए गोथल निलिज्याव।



12

हो छ्याम रील नो नाखारकिन पाखाड तोबो बाँल गावलाराए
बेधार तबगाल खकैद यारानैज्याव। हा: बेलाक ज परमेस्वरए
तोबो ओचाकन्या उमँ:जानी गावलाराए



याल्योक
सरै:सिहुद
परमेस्वरए
ओज़गै ब
पाइँदा ज ज़गै

जैक्यो। नो रँ:द
बनै छे:केर।

13


हा:त ज नो चाकन्याए, “जे ताछे:च्यो, डा जेलाई बनै चाव था
रैद नैद डयाचिए। नो थात मिँ भरी बनै रँन्या लेर। आछिम
दाऊदए ओनाखारल इस्राएलीरालाई बाँचैन्या



तोबो जर्मिद
ले। नो
जर्मिउ प्रभु
खीस ज़ा।”

14

“जे नोलाई सरेस्न्या सरेस, नो भाउजालाई बाछाराए छी ज्ञान्या पोल दालए दाल्सिउ सेप्सिउ दैन्या जेले,” है यादोक्तो।



15

हात ज नो चाकन्याए ओनैर बनै माहोल्या हुद परमेस्वरए ल्योदा बनै खुसी ताद है लिकेर, “स्वर्गताव परमेस्वरलाई जगै मगै ओताक, मानुवाताव उयुंलाव



मिताव मिराए
यायुं ब होलाँ
ओताक।”

16

नो परमेस्वरए ओचाकन्यार स्वर्गदा याबाव छीनी नो बेधा गावलाराए या याल, “दे, गे बेथलेहेमदा गेबा, प्रभुए है ओदासिउ गेचिऊना,” है लिद, लाला लुलु नाखारल धौःनाद मरियम सोनो योसेफनिलाई यारादैकेर।



17

नो भाउजालाई ब बाछाराए छी ज्ञान्या पोल सेप्सिउ दैकेर। है जैदआव रँद नो भाउजाए उजुंनी परमेस्वरए ओचाकन्याए है ओरादोव भरी है यारादोकेर।




18

राजा हेरोदए ओपालाक येसु यहूदिया खन्दलाव बेथलेहेम नाखारल ज जर्मिके। उजर्मिउ छीनी जैसीर पुर्ब त.नी यरुसलेमल



19

राजा हेरोदए आव भरी थैद जैसीरालाई अलगजा खुल्द, “नो सोरो खाक जेरँव?” है दाद थरैद, नोरालाई, “बाचिकेदा, नो जर्मिउ भाउजालाई बनै चावस खिम्च्यो। जेदैवत डालाई मनी है दाव ताके। डा ब बाद नोलाई धो डादोरिज्या,” है दाद बेथलेहेमदा यापरीक्यो।



20

हुद, “जर्मिउ यहूदीराए याराजा काइक उलिज्याव? नोलाई सरेस्न्या सोरो पुर्बल गेरँके। है जैद नोलाई धो गेदोया लिद हुद गेले,” है यारादोकेर।

नोर राजाए ओपाँ भैंद याबाज्याक फरी नो पुर्बलाव यारँव सोरो याड़ा याड़ा बाद नो भाउजा जर्मिद उलिज्याव पोक ज़ अदिके। नो झिमल ज़ पसिकेर।



21

नल नो भाउजालाई ओआमा मरियमस उलिज्याव दैद ओड़ाक फुलुप्सिद धो दाद यासुन्दुसर फैद सुनर धुपर बनै चाव चाव यासी डरोर ब चरैःकेर। हाः बेलाक ज़ तछा यामँल परमेस्वरए, “जे हेरोदए ल्योदा फरी ओल्द ताबाच्यो,” है ओरादोज्याव रँःकेर। है जैद नोर हेरोदए ओल्योलाव घ्याँ माबाद तँनिकाव घ्याँ यादेसदा ओल्द बाकेर।



22

नो जैसीर याबाव छीनी तछा योसेफए उमँल मनी परमेस्वरए ओचाकन्या हुद, “नँ सोद हतप्त ज़ भाउजा सोनो ओआमालाई लाँद इजिपदा धोंःचिके। फरी ‘हचिके’ है डामादाचिवा पै होड ज़ लिच्यो। हेरोद राजाए नो भाउजालाई



23

हाःत ज़ योसेफ सँसिद रील ज़ नो भाउजालाई ओआमास इजिपदा निलाँक्यो। हेरोद ओमासिवा पै होड ज़ लिकेर। है जैद नत ज़ परमेस्वरए अगमबक्तालाई सरो उपरीव पाँ योःके। नोए ओसरो आव ज़, “डाजा इजिपनी खुल्द रैद डानै।”



24

नो जैसीर याबाव छीनी, ‘जैसीराए ते याछकैनाव ची ओल्यो’ लिन्या सँद हेरोद बनै रसिद बेथलेहेम सोनो नजीलाव खेपा ताद लिज्याव भाउजार नेरिमकिन मेदाडाव भरी ओपोःस ज़ सैःव यापरीक्यो। नो ओरासैःव,



जैसीराए डादा सोरो यारँव गोइनी ज़।

25


हेरोद राजा उसिउ छीनी योसेफ इजिपल उलिज्याक ज़ तछा उमँल परमेस्वरए ओचाकन्या फरी हुद, “नँ सोद भाउजालाई ओआमास लाँद इस्राएलीराए जेपोदा ओल्द बाचिके। भाउजालाई सैःव पैज्याव ओल ज़ सिधुके,” है ओदोव पाइना ज़, योसेफ सँसिद भाउजालाई



ओआमास इस्राएल देसदा ज़ निलाँक्यो।

26


होड ओकेसोत हेरोदए ओपोल ओजा
अखिलाउसए यहूदीराए
यादेस ओचलैज्याव सैंद
योसेफ नल लिन्या
ओछे-ज्याव।



है जैद तछा उमँल,
'गालील खन्दल बाद तोबोक
लिन्के' लिद परमेस्वरए है ओदोव रँक्यो।

27

है जैद गालीललाव नासरत यादोज्याव
सहरल लिनाकेर। नो
भरी ब अगमबक्ताराए
यासरो मिताव ज़ यो-के।
नो सर्सिउ आव
ज़,



“नोलाई नासरतलाव है दान्या लेर।”

28

परमेस्वरए आव मानुवाताव मिँरालाई उयुँ
नाद तोबोका तोबो ओजा ब याएक्यो।
है जैद जोए नो ओज़ालाई उयुँ
हुप्ज्या, नो कै मै माताद
अजम्बरी जुनी
दैन्या ले।

36

60

29

रोमी 3:23

काराव ल्यो ताकिन पाईए ज़ पाप दाद परमेस्वरए ओज़गैनी
अछत ताकेर।

रोमी 6:23

पापए ओजेला नर्ग लिज्या, परमेस्वरए ओयासिज्याव बरदान ते
गेप्रभु येसु खीसनी अजम्बरी जुनी लिज्या।

हिब्रू 9:27

मिँ भरी तखेप सिउ परिज्या। नकिन परमेस्वरए ओज़ाक फाल्सिउ
परिरिज्या।

30

एफिसी 2:8,9

परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे
जेदोवनी माःक, परमेस्वरए अइज़ ओयाचिउ बरदान ची। गे
गेदोवनी ताकिन ते सधयोःसिन्या गेल्यो।

रोमी 10:9,10

जेयाःत 'येसु खीस ज़ गेप्रभु' लिद जेपाँकिन, सोनो जेयुँल
'परमेस्वरए खीसलाई सिउनी सोचोइक्यो' लिद जेयुँल जेपतिकिन
बाँचिन्या जेले। गेयुँए ज़ परमेस्वरए ओपाँलाई गेयुँ हुप्द ओलस
गेखैज्या, फरी नो गेयुँलाव पाँलाई गयाःए पाखात पाँद
गेबाँचिज्या।

31

यूहन्ना 3:16,17

परमेस्वरए आव मानुवाताव मिँरालाई उयुँ नाद तोबोका तोबो
ओजा ब याएक्यो। है जैद जोए नो ओज़ालाई उयुँ हुप्ज्या, नो कै
मै माताद अजम्बरी जुनी दैन्या ले। परमेस्वरए ओज़ालाई
मानुवाताव मिँरालाई खेम्न्याए जूनी उपरीव माःक, बुरू मानुवाताव
मिँरालाई बाँचैन्याए जूनी उपरीव ची।

1 यूहन्ना 5:11-13

गेलाई परमेस्वरए ओयासिज्याव साची आव ज़ — गे मिँर
अजम्बरी जुनी दैन्यार गेताज्या, नो जुनी ओजाए ओक्याँत वाज़
लिज्या। जोए परमेस्वरए ओज़ालाई उयुँल रैज्याव, होए ज़
अजम्बरी जुनी दैज्याव। जोए ओज़ालाई उयुँल मारैव, होस
अजम्बरी जुनी माले। आव ड़सरो चिथी जे परमेस्वरए ओज़ालाई
जेयुँ हुप्ज्यावराए जूनी सर्द ड़ानै। आव चिथीनी ज़ अजम्बरी जुनी
जेस उलिज्याव सैन्या जेले।

32

मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Kham, Western Parbate NT (kjl) © 2015, Wycliffe Bible
Translators, Inc. All rights reserved.

<https://www.bible.com/bible/2495/MAT.1.NKHAM>

©2026 Bible for Children, Inc.

www.M1914.org

www.bibleforchildren.org